



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Cenadiensi Episcopo, & Abbatи de Cikedor Quinquecclesiensis diocesis.

**urn:nbn:de:hbz:466:1-20020**

ordines fuerint promovendi, à dioecesano suscipietis Episcopo; siquidem catholicus fuerit, & gratiam atque communionem apostolicae sedis habuerit, & ea gratis & absque ulla pravitate vobis voluerit exhibere. Alioquin liceat vobis quemcunque malueritis adire antisitem, qui nostra fulsus auctoritate quod postulatur indulgetur. Liceat præterea vobis in locis vestris ubi quatuor vel plures fratres fuerint oratoria construere, in quibus fratres & familiae vestrae tantum & divinum audire officium & sepulturam Christianam possint habere. Ita enim volumus necessitatibus vestrae conflere ut non debeat ex hoc adjacentes Ecclesiæ injuriam sustinere. Cum autem generale interdictum terræ fuerit, liceat vobis clausis januis, exclusis excommunicatis & interdictis, non pulsatis campanis, suppressa voce divina officia celebrare. Præsentis nihilominus decreto sancimus ut si quis in aliquem vestrum, fratum videlicet vel sororum, violentas manus injecerit, excommunicationis sententia sit astrinxens, & illud idem pro tutela vestra tam in sententia quam in pena servetur quod sub felicis memorie Papa Innocentio prædecessore nostro de tuitione clericorum in generali Concilio noscitur institutum. Decernimus ergo ut nulli omnino hominum licet jura vel possessiones vestras temere perturbare, aut vestra bona auferre, vel ablata retinere, minuere, seu quibuslibet vexationibus fatigare; sed illibata omnia & integra conserventur eorum pro quorum gubernatione ac sustentatione concessa sunt usibus omnimodis profutura. Salva sedis apostolicae auctoritate. Ad indicium autem hujus à sede apostolica percepta libertatis decem malachinos nobis nostrisque successoribus annis singulis persolvetis. Si qua igitur in futurum ecclesiastica seculari ve persona hanc nostræ constitutionis paginam sciens, contra eam temere venire tentaverit, secundò tertiove communita nisi præsumptionem suam digna satisfactione correxerit, potestatis honorisque sui dignitate careat, reamque se divino iudicio existere de perpetrata iniuitate cognoscat, & à sacratissimo corpore ac sanguine Dei & Domini redemptoris nostri Iesu Christi aliena fiat, atque in extremo examine districtæ ultioni subjaceat. Cunctis autem vobis vestra jura servantibus sit pax Domini nostri Iesu Christi; quatenus & hic fructum bonæ actionis percipient, & apud distictum judicem præmia æternæ pacis inveniant. Amen. Datum

Laterani per manum Iohannis sanctæ Mariæ in Coſmidin Diaconi Cardinalis S. R. E. Cancellarij, viii. Idus Martij, Indictione tertiadecima, incarnationis dominice anno millesimo ducentesimo nono, pontificatus verò Domini Innocentij Papæ IIII. anno tertiodecimo.

CENADIESSI EPISCOPO,  
& Abbati de Cikedor Quinqueclesiensis  
dioecesis.

**C**VM in juventutesua venerabilis frater oster C. Quinqueclesiensis Episcopus adeo se maturum, honestum, & providum exhibuerit ut propter suavem suæ probitatis odorem ab Ecclesia Romana meruerit ornamento pallei decorari, non est de levi credendum quod postquam ad senilem pervenit ætatem &c. Requie supradicta in regesto noni anni ejusdem Domini innocentij tertij Papæ, Datum Ferentini Nonis Julij, in eandem modum per totum usque non duximus iterandum, cum & carissimus in Christo filius noster A. Rex Vngarorum illustris eum per suas litteras valde nobis reddiderit commendatum, asserens &c. usque præcipiendo mandamus quatenus cum per Episcopum ipsum non steterit quod minus purgaverit semetipsum, quando purgationem curavit offerre, non ut ratum haberet quod à nuntio suo fuerat procuratum, sed ne mandatum apostolicum contempnere videretur, non simatis ipsum ulterius occasione prædicti mandati ab aliquo molestari, sed si videritis contra eum studia concinnari maligna, non permittatis ipsum inquis machinationibus conculcari; quia vehementer præsumimus ex verisimilibus conjecturus quod aliqui contra eum invidia torqueantur, dejectionem ipsius exaltationem propriam aestimantes; significatur nobis, cum expedire videritis, de singulis circumstantiis veritatem. Datum Laterani vii. Idus Martij, pontificatus nostri anno tertiodecimo.

*Verba que heic desunt, repetenda sunt ex cap. Cùm in juventute. De præsumptionib. & ex cap. eod. De purgat. canon. in tercia collectione, ubi sic legitur: postquam ad senilem pervenit ætatem, turpiter abjecerit jugum Domini, festores & fidates libidinis amplexando, cùm labes hujusmodi, que nonnunquam in juventute contrahitur, in senectute frequentius expierunt. Quis præterea de facili crederet quod vir prædictus scientia literarum, proprie salutis oblitus, ad eam passionis ignominiam se converteret ut cum propria nepte abominabilem perpetaret incestum, cùm etiam secundum sententias ethnicorum naturale fœdus inter tales personas nihil permittat scævi criminis suscipi? Licet igitur illustris Rex Vngarie eun-*

Epiſ. 12.  
Scribitur pro  
EpiscopoQuin-  
queclesiensis.

## 416 Epistolarum Innocentij III.

dem Episcopum nobis interdum per nuntios & litteras de tali criminis derulatissimis suppliciter postulans & instanter ut malum hujusmodi perniciosum exemplo de Vngarica Ecclesia tolleremus, quia tamen ejus suggestio non de caritatis radice sed ex odio fomite procedere videbatur, cum ipsum tamquam inimicum persequi non cessaret, sicut est in tota provincia manifestum, nolumus aures nostras quasi malignis delationibus inclinare; sed ut probaremus spiritus si esset ex Deo, bona memoriae \* Iauriensi Episcopo dedimus nostris litteris in mandatis ut prudenter ac cautè à coepiscopis indagaret utrum praefatum Episcopum crederent tali labe respersum. Qui nobis postmodum rescriperunt quod eum virum honeste conversationis esse credebat, personam illius multipliciter commendantes. Quia verò pater filium quem diligit corripit, nos eundem Episcopum per litteras nostras corripimus, injungentes eidem ad maiorem cautelam ut ab illius familiaritate cessando, apud Deum & homines taliter se haberet quod similitudo de ipso suspicio non possit haberi. Sed inimicus homo rescriptum literarum illarum subripiens, apud predictum Regem & magnates tegni ipsum nequiter publicavit, ut sic idem Episcopus deberet amplius infamari, cùm videretur nobis incredibilis & suspeccitus. Vnde nos tantam æmolorum nequitiam attendentes, licet pulsati fuerimus multoties contra eum, nunquam tamen adversus eum potuimus commoveri, scientes quod facile dominum sequitur multitudo. Vbi verò idem Episcopus ad Strigonensem metropolim exitit postulatus, quidam qui super ipsa postulatione adversabantur eidem, ut promotionem ipsius facilis impiderent, illius criminationis carbones recendere sunt moliti. Vnde quidam procurator ipsius in nostra præsentia constitutus, de consilio quotundam amicorum suorum, qui super hoc quidem bonum zelum habebant, sed non secundum scientiam, caput à nobis in præsenti frattum nostrorum cum instantia postulare querentes eidem Episcopo purgationem canonican faceremos indici, ut suam innocentiam demonstraret. Nos autem hujusmodi postulationem minus providam immo nimis improvidam reputantes, procuratorem ipsum ab ea sape volumus reuocare; tum quia sepefatus Episcopus non videbatur apud bonos & graves de illo crimine infamatus, cùm coepiscopi super hoc ex mandato apostolico requisiuti laudabile testimonium de ipso nobis curaverint exhibere, tum quia talis infamatio videbatur ab inimicis & æmulis processuisse, sicut superiori est expressum. Vnde cùm anteaetla ejus vita commendabilis extitisset & hujusmodi facinus incredibile videretur, non credebamus et purgationem aliquam indicandam. Ceterum quia procurator instabat, compulsi fuimus, non juris necessitate, sed importunitate petentis, ut ei per vos purgationem canonican cum duobus Abbatibus mandaremus indici; quavis eidem procuratori fuerimus protestati quod ex alia quoque causa talis petatio minus provide tunc siebat, quia videlicet Strigonensis Ecclesia suffraganei vix eo tempore purgarent eundem, quia in facto postulationis contradicebant eidem, & suffraganei Colocensis Ecclesia ipsum minime tunc purgarent, quia inter eum & Colocensem Archiepiscopum de Strigonensi metropoli contentio ver-

tebatur. Vnde cùm non sint alii Pontifices in Vn. garia, merito videbatur quod per Episcopos regni sui non posset in illo articulo se purgare. Dicunt nonnulla. Ceterum que heis descripta sunt ex terita collectione, emendata sunt ope duorum veterum exemplariorum manuscriptorum: quorum unum ad nos pervenit ex urbe Andegavensi, aliud ex ista in bibliotheca Colbersina.

ARCHIEPISCOPO NEOPATRENSI,  
& Cermopulensi Episcopo, & electo  
Avelelenensi.

Ed. 2.  
De colib.  
Archbishop  
Thebano  
causa. Vid. II. 2. P. 1. 2.

**O**lim dilecti filij Canonici sanctæ Sophiae Thessalonicensis suas nobis litteras direxerunt, per quas una cum dilecta filia in Christo filia nobili muliere relicta Marchionis Montisferrati necnon & dilectis filiis nobilibus viris Comite de Blandaco Bajulo & aliis Thessalonicensis regni Baronibus, qui super hoc ipso sua nobis scripta misere, nostro humiliter apostolatu supplicarunt ut postulationem quam uidebatur idem Canonici, predictorum accedente favore, de venerabili fratre nostro Veriensi Archiepiscopo se fecisse dicebant admittere dignaremur, cùm per ipsius circumspictam prudentiam & circumspectionem prudentem singulariter quasi sperarent non solùm Ecclesia sed & regni posse necessitatibus provideri. Vnde nos venerabilibus fratribus nostris Larislensi & Thebano Archiepiscopis dedimus in præceptis q. 1. 2. ut inquisita diligenter & cognita veritate, si postulationem ipsam ab his qui eam celebrare potuerant & debuerant invenient canonice celebratam, & præfatum Archiepiscopum, sicut à quibusdam nobis fuerat intimatum, administrationi Thessalonicensis Ecclesiae se minimè ingessisse, propter multam necessitatem admitterent vice nostra postulationem eandem. Nuper autem idem Archiepiscopus ad præsentiam nostram accedens, litteras nobis non solùm carissimi in Christo filij nostri Constantinopolitani Imperatoris illustris & præfati Thebani Archiepiscopi verum etiam aliorum multorum præfulum & magnatum causam ejus multipliciter commendantium præsentavit, inter quos specialiter memoratus Thebanus Archiepiscopus se scire veraciter fatebatur quod ab illis quos communis clerus & populus habebant in Ecclesia Thessalonicensi Canonicos unanimiter fuerat postulatus, assidente præfata nobili, & prædicto Comite tunc Bajulo cum aliis regni Baronibus hoc ipsum propter necessitatis instantiam experente. Qui tandem licet ab eodem Imperatore compulsi ad civitatis custodiā remanserit,